

王建詩卷第六

六  
寄杜侍御

何須服藥覓昇天  
粉閣爲郎卽是仙  
買宅但幽從  
索價栽松取活不爭錢  
退朝寺裏尋荒塔  
經宿城南看野泉  
道氣清凝分曉爽  
詩情冷瘦滴秋鮮  
學通儒釋三千卷  
身擁旌旗二十年  
春巷偶過同戶  
飲暖窗時語對牀  
眠破除心力緣書癖  
傷瘦花枝爲酒顛  
今日總來歸聖代  
一作今日總  
離軍馬地  
丈人先達  
幸相憐



六二 寄上韓愈侍郎

重登大學領儒流學浪詞鋒壓九州不以雄名疎  
野賤唯將直氣折王侯詠傷松桂一作青山瘦取  
盡珠璣碧海愁叙述異篇經總別鞭驅險句最一作  
總先投碑文合遣真魂謝史筆應令諂骨羞清俸  
探將還酒債黃金旋得起書樓叅來擬設官人禮  
朝退多逢月閣遊見向一作雲泉未住處若無知  
薦一生休

六三 贈華州鄭大夫

此官出入鳳池頭通化門前第一州少華山雲當  
驛起小敷溪水入城流空閑地內人初滿詞訟牌  
前草漸稠報狀拆開知兩足赦書宣過喜無囚自  
來不說雙旌貴恐替長教百姓愁公退晚涼無一  
事一作吏散日步行携客上南樓

三五 寄賀田侍中東平功成

使廻高品滿城傳親見沂公在陣前百里旗幟衝  
卽斷兩重衣甲射皆穿探知點檢兵應怯算得新  
移柵未堅營被數驚乘勢破將經頻敗遂生全密

招殘寇防人覺遙斬元兇恐自專首讓諸軍無敢  
近功歸部曲不爭先開通州縣斜連海交割山河  
直到燕戰馬散驅還逐草肉牛齊散却耕田府中  
獨拜將軍貴門下兼分宰相權唐史上頭功第一  
春風雙節好朝天

三六

送裴相公上太原

還携堂印向并州將相兼權是武侯時難獨當天  
下事功成却進手中籌再三陳乞鑪烟裏前後封  
章玉案頭朱架早朝排劍戟綠槐殘雨一作花裏看張

油遙知塞雁從今好直得漁陽已北愁邊鋪驚巡  
旗盡換山城候館壁一作欲重修千群白刃兵迎  
節十對紅粧妓打毬聖主分明交暫去不須高起  
見京樓

王建詩卷第七

四三十三

秋夜

夜久葉露滴秋蟲入戶飛  
臥多骨髓冷起覆舊綿衣

四三十四

水精

映水色不別向月光還度  
傾在荷葉中有時看是露

四三十五

香印

閑坐燒印香滿戶松栢氣  
火盡轉分明青苔碑上

字

四三六

秋燈

向壁暖悠悠羅幃寒寂寂斜照碧山圖松間一片石

四三十七

落葉

陳綠向參差初紅已重疊中庭初掃地繞樹三兩葉

四三十八

園果

兩中梨果病每樹無數箇小兒出入看一半鳥啄

破

四三十九

野菊

晚艷出荒籬冷香著秋水憶向山中見伴蛩石壁裏

四四十

荒園

朝日滿園霜半衝籬落壞掃掠黃葉中時時一窠薤

四四十一

南澗

野桂香滿溪石莎寒覆水愛此南澗頭終日潺湲

裏

四四十二

晚蝶

粉翅嫩如水繞砌乍依風日高山露解飛入菊花  
中

四三十七

田家

啾啾雀滿樹靄靄東坡雨田家夜無食水中摘禾  
黍

三四

新嫁娘三首

隣家人未識床上坐堆堆郎來傍門戶滿口索錢

財

錦障兩邊橫遮掩侍娘行遣郎鋪簟席相並拜親  
情

三日入厨下洗手作羹湯未諳姑食性先遣小娘  
嘗

九四十七

故行宮

寥落古行宮宮花寂寞紅白頭宮女在閑坐說玄  
宗

九四十八

酬從姪再看詩本

眼暗没功夫慵來翦刻磨自看花樣古稱得少年  
無

九四九

別自栽小樹

去年今日栽臨去見花開好住守空院夜間人不  
來

早發汾南

橋上車馬發橋南烟樹開青山斜不斷迢遞故鄉  
來

三一

宮中三臺二首

六言

魚藻池邊射鴨芙蓉苑裏看花日色柘袍相似不  
着紅鸞扇遮

池北池南草綠殿前殿後花紅天子千年萬歲未  
央明月清風

三二

江南臺四首

揚州橋邊少婦長安城裏商人三年不得消息各  
自拜鬼求神

青草湖邊草色飛猿嶺上猿聲萬里湘江客到有  
風有雨人行

樹頭花落花開道上人去人來朝愁暮愁卽老百年幾度三臺

聞身強健且爲頭白齒落難追准擬百年千歲能得一作不知幾許多時

王建詩卷第七 終

王建詩卷第八

絕句一首 御獵

青山直遶鳳城頭澆水斜分入御溝新教內人唯射鴨長隨天子苑東遊

長門燭

秋夜牀前鵬燭微銅壺滴盡曉鐘遲殘光一作花滅還吹著年少宮人未睡時

過綺岫宮

東都永寧縣西五里

玉樓傾倒粉墻空重疊青山遶故宮武帝去來羅



袖盡野花黃蝶領春風

九四 朝天子詞十首寄魏博士田侍中

山川初展一作家國圖寬未識龍顏坐不安風動白

髯旌節下過時天子御樓看

相感君臣總淚流恩深一作榮舞蹈不知休初從戰

地來無物唯奏新添十八州

催修水殿宴沂公與別諸侯總不同隔月太常先

習樂金書牌燹彩雲中

無人敢奪在先籌天子門邊送與毬遙索綵箱新

樣錦內人舁出馬前頭

御馬牽來親自試珠毬到處玉蹄知殿頭宣賜連

催上未解紅纓不敢騎

老作三公經獻壽臨時猶自語差池私從班裏來

長跪捧上金盃便合儀

四海無波乞放閑三封手疏犯龍顏他時若有邊

塵動不待天書自出山

胡馬悠悠未盡歸玉關猶隔吐蕃旗老臣一表求

高臥邊事從今欲問誰

威容難画一作盡改頻頻眉目分毫恐不真有詔別  
圖書閣上先教粉本定風神

重賜弓刀內宴迴看人城外滿樓臺君臣不作多  
特別收盡邊旗當日來

九五

霓裳詞十首

弟子部中留一色聽風聽雨水作霓裳散聲未作重  
來授直到牀前見上皇

自直梨園得出稀更番上曲不教歸一時跪拜霓

裳徹立地堦前賜紫

一作綵衣

勅賜官人澡浴迴遙看美女院門開一山星月霓  
裳動好自先從殿後來

旋翻

一作自修

曲譜聲初起除却梨園未教人宣示書

家分手寫中官走馬賜功臣

傳呼法部按霓裳新得承恩別作行應是一作晚貴

妃樓上看內人昇出綵羅箱

伴教霓裳有貴妃從初直到曲成時日長耳裏聞  
聲熟拍數分毫錯總知

中管五絃初半曲遙教合上隔簾聽一聲聲向天

頭落學得仙人夜唱經

絃索縱縱隔彩雲五更初發滿宮聞武王自送西

王母新染霓裳月色裙

朝元閣上風初起夜聽霓裳玉露寒宮女月中更

替立黃金梯滑並行難

知向華清秋月滿山頭山底種長生去時留下霓

裳曲總是離宮別管聲

九六 宮前早春

酒幔高樓一百家宮前楊柳寺前花內園分得溫

湯水二三月中旬已進瓜

九七 奉同曾郎中題石龕寺得嵌韻

寺門連內遶丹巖下界雲開數過帆遙指上皇翻

曲處百官題字滿西嵌

九八 舊宮人

先帝舊宮宮女在亂絲猶挂鳳凰釵霓裳法曲渾

拋却獨自花間掃玉堦

九九 贈人二首

金爐烟裏要班頭欲得歸山可自由每度報朝愁

王建詩卷八  
入閣在先教示小千牛

多在蓬萊可一作在家越緋衫上有紅霞朝迴不

向諸餘處騎馬城西檢校花

九十  
樓前

天寶年前勤政樓每年三日作千秋飛龍老馬曾  
教舞聞着音聲總舉頭

九十一  
寄劉蕢問疾

年少病多應爲酒誰家將息過今春賒來半夏重  
薰盡投着山中舊主人

九十二  
聽雨

半夜思家睡裏愁雨聲落落屋簷頭照泥星出依  
前黑淹爛庭花不肯休

九十三  
新晴

夏夜新晴星校少雨收殘水入天河簷前熟着衣  
裳坐風冷渾無撲火蛾

九十四  
秋日後

在一作處近山常足雨聞晴  
後無多熱漸覺生衣不着身

王建詩卷六  
九十五 哭孟東野二首

冷損秋天月不明  
蘭無香氣鶴無聲  
自從東野先生死  
側近雲山得散行

老松臨死不生枝  
東野先生早哭兒  
但是洛陽城裏客  
家傳一本杏殤詩

九十六 寄蜀中薛濤校書

萬里橋邊女校書  
枇杷花裏閉門居  
掃眉才子于今少  
管領春風總不如

九十七 路中上田尚書

去路何詞見六親  
手中刀足不如人  
可憐池閣秋風夜  
愁一作怨綠嬌紅一遍新

九十八 于主簿廳看花

小葉稠枝粉壓催  
暖風吹動鶴翎開  
若無別事為留滯  
應便拋家宿看來

九十九 江樓對面寄杜書記

竹烟花雨細相和  
看着閑書睡更多  
好是主人無事日  
應持小酒按新歌

一百 十五夜望月寄杜郎中時會琴客

此下有寄薛濤詩  
六首補書於下  
寄薛濤  
百年看似暫時聞

白首翁  
獨有龍門草  
三徵不起  
花獨述

夜市千燈照碧雲  
高樓紅袖客紛紛  
如今不似時  
平日猶自笙歌徹  
曉聞

九二六 觀蠻妓

欲說昭君歛翠蛾  
清聲委曲怨於歌  
誰家年少春  
風裏拋與金錢唱  
好多

九二九 送顧非熊秀才歸丹陽

江城柳色海門烟  
欲到茅山始下船  
知道君家當  
瀑布菖蒲潭在草  
堂前

九三十 老人歌

白髮老人垂淚行  
上皇生日出京城  
如今供奉多  
新意錯唱當時一  
半聲

九三十一 和元郎中從八月十二至十五夜翫月五

首

半秋初入中甸夜  
已向堦前守月明  
從未圓時看  
却好一分分見傍  
輪生

亂雲遮却臺東月  
不許教依次第看  
莫為詩家先  
見鏡被他籠與作  
艱難

今夜月明勝昨夜  
新添桂樹近東枝  
立多地濕昇

對鐵色舊雪  
長鏡以袖  
頭向邊城  
秋風射獵  
寄同州田長史  
除聽好  
見詩人  
出城為長史  
右白樓中

外按  
夾城門向野  
庚非時出  
春陵原上  
按使初迴  
夜看美人  
官基布向  
白相如子  
砂天僅晚  
兩三星

冬至後  
日近山  
陽光入  
走馬重  
年稱意  
下接夜  
一詩

王建詩卷八  
牀坐看過墻西寸寸遲

月似圓來色漸凝  
玉盆盛水欲侵稜  
夜深盡放家人睡  
直到天明不炷燈

合望月時長望月  
分明不得似今年  
仰頭五夜風中立  
一作從未圓時直到圓

九三十三  
對酒

爲病比來渾斷絕  
緣花不免却知聞  
從來事事關身少  
主領春風只在君

九三十三  
曉望華清宮

曉來樓閣更鮮明  
日出闌干見鹿行  
武帝自知身不死  
看修玉殿號長生

九三十四  
贈李愬僕射二首

和雪翻營一夜行  
神旗凍定馬無聲  
遙看火號連營赤  
知是先鋒已上城

旗旛四面下營稠  
手詔頻來老將憂  
每日城南空挑戰  
不知生縛入唐州

九三十五  
秋夜對雨寄石甕寺二秀才

夜山秋雨滴空廊  
燈照堂前樹葉光  
對坐讀書經

卷後自披衣被掃僧房

九三六 華清宮前柳

楊柳宮前忽地春在先驚動探春人曉來唯欠驪  
山雨洗却枝頭綠上塵

九三七 別楊校書

從軍未馬一作未滿十三年白髮營中聽早蟬故作老

丞身不避縣名昭應管山泉

九三八 和門下武相公春曉聞鶯

侵黑行飛一兩聲春寒轉小未分明若教更解諸

餘語應向宮花不惜情

九三九 田侍郎歸鎮八首

去處長將決勝籌迴迴身在陣前頭賊城破後先  
鋒入看着紅粧不敢收

門慰帖朝衣拋戰袍夔龍班裏侍中高對時先奏牙  
間將次第天恩與節旄

踏着家鄉馬脚輕暮山秋色眼前明老人上酒齊  
頭拜得侍中來盡再生

功成誰不擁藩方富貴還須是本鄉萬里雙旌汾



水上玉鞭遙指白雲莊

鼓吹旛旗道兩邊行男走女喜駢闐舊交省得當時別指點如今却少年

廣場破陣樂初休彩纛高於百尺樓老將氣雄爭起舞管絃迴作大纏頭

笳聲萬里動燕山草白天清塞馬閑觸處不如別處樂可憐秋月照江關

將士請衣忘却貧綠窗紅燭酒樓新家家盡踏還鄉曲明月街中不絕人

九四十一

寄廣文張博士

春明門外作卑官病友經年不得看莫道長安近於日昇天却易到城南

九四十二

早春書晴

漸老風光不着人花溪柳陌早逢春大家近來行到門前少趁暖閑眠似病人

九四十三

唐昌觀玉蘂花

一樹籠鬆玉刻成飄廊點地色輕輕女冠夜覓香來處唯見堦前碎月明

九四十三 眼病寄同官

天寒眼痛少心情  
隔霧看人夜裏行  
年少往來常不住  
墻西凍地馬蹄聲

九四十四 九日登叢臺

平原池閣在誰家  
雙塔叢臺野菊花  
零落故宮無入路  
西來澗水繞城斜

九四十五 題酸棗縣蔡中郎碑

蒼苔滿字土埋龜  
風雨銷磨絕妙詞  
不向圖經中舊見  
無人知是蔡邕碑

九四十六 江陵使至汝州

迴看巴路在雲間  
寒食離家麥熟還  
日暮數峰青似染  
商人說是汝州山

九四十七 十五夜望月

中庭地白樹棲鴉  
冷露無聲濕桂花  
今夜月明人盡望  
不知秋思在誰家

王建詩集卷第十 宮詞一百首

蓬萊正殿壓金鰲  
紅日初生碧海濤  
開着五門遙北望  
柘黃新帕御牀高

殿前傳點各依班  
召對西來入詔蠻  
上得青花龍尾道  
側身偷覷正南山

龍烟日暖一作氣紫瞳瞳  
宣政門當玉殿風  
五刻閣

前卿相出下簾聲  
在半天中

白玉窗前起早臣  
櫻桃初赤賜嘗新  
殿頭傳語金

階遠因進詞來謝  
聖人

內人對御疊花箋  
繡坐移來玉案邊  
紅蠟光中呈

草本平明昇出閣  
門宣

千牛仗下放朝初  
玉案傍邊立起居  
每日進來金

鳳紙殿頭無事不  
多書

延英引對碧衣郎  
紅硯宣毫各別牀  
天子下簾親

考試宮人手裏過  
茶湯

未明開着九重關  
金画黃龍五色幡  
直到銀臺排

仗合聖人三殿對  
西番

少年天子重邊功  
親到凌烟画閣中  
教覓勳臣寫

圖本長將殿裏作  
屏風

丹鳳樓門把火開  
五雲金輅下天來  
堦前走馬人

宣慰天子南郊一  
宿廻

此首鈔本

樓前立仗看宣赦萬歲聲長再拜齊日照彩盤高  
百尺飛仙爭上取金鷄

集賢殿裏圖書滿點勘頭邊御印同真跡進來依  
數字別收鎖在玉函中

秘殿清齋刻漏長紫微宮女夜焚香拜陵日近公  
卿發鹵簿分頭入太常

新調白馬拍鞭聲供奉騎來遶殿行爲報諸王侵  
早入隔門催進打毬名

對御難爭第一籌殿前不打背身毬內人唱好龜

茲急天子鞞回過玉樓

新衫一樣殿頭黃銀帶排方獺尾長總把金鞭騎  
御馬綠鬃紅額麝香香

羅衣葉葉繡重重金鳳銀鵝各一叢每遍舞時分  
兩向太平萬歲字當中

魚藻宮中鎖翠娥先皇行處不曾過如今池底休  
鋪錦菱角鷄頭積漸多

殿前明日中和節連夜瓊林散舞衣傳報所司分  
蠟燭監開金鎖放人歸

王建詩卷八  
五更五點索金車盡放宮人出看花仗下一時催  
立馬殿頭先報內園家

城東北面望雲樓半下珠簾半上鈎騎馬行人長  
遠過恐防天子在樓頭

射生宮女宿紅粧請得新弓各自張臨上馬時齊  
賜酒男兒跪拜謝君王

新秋白兔大於拳紅耳霜毛趑草眠天子不教人  
射殺玉鞭遮到馬蹄前

內鷹籠脫解紅條鬪勝爭飛出手高直上碧雲還  
却下一雙金瓜掬花毛

競渡船頭掉綵旗兩邊濺水濕羅衣池東爭向池  
西畔先到先書上字歸

燈前飛入玉階蟲未臥常聞半夜鐘看着中元齋  
日到自盤金線繡真容

紅燈睡裏喚春雲雲上三更直宿分金砌雨來行  
步滑兩人擡起隱花裙

一時起立吹簫管得寵人來滿殿迎整頓衣裳皆  
着却舞頭當拍第三聲

王建詩卷八  
琵琶先抹六么頭小管丁寧側調愁半夜美人雙  
唱起一聲聲出鳳凰樓

春池日暖少風波花裏牽船水上歌遙索劍南新  
樣錦東宮先釣得魚多

十三初學擘箏篴弟子名中被點留昨日教坊新  
進入並房宮女與梳頭

紅蠻捍撥帖胸前移坐當頭近御筵用力獨彈金  
殿響鳳凰飛下四條絃

春風吹雨洒旗竿得出深宮不怕寒誇道自家能

走馬園中橫過覓人看

粟金腰帶象牙錐散插紅翎玉突枝旋獵一邊還  
引馬歸來鷄兔遶鞍垂

雲駁花聰各試行一般毛色一般纓殿前來徃重  
騎過欲得君王別賜名

每夜停燈熨御衣銀薰籠底火霏霏遙聽帳裏君  
王覺上直鐘聲始得歸

因喫櫻桃病放歸三年着破盡一作舊羅衣內中人  
識從來去結得金花上貴妃

欲迎天子看花去下得金階却悔行恐見失恩人  
舊院迴來衝一作憶着五絃聲

往來舊院不堪修教近宣徽別起樓聞有美人新  
進入六宮未見一時愁一作宮中誰識大家愁

自誇歌舞勝諸人恨未承恩出內頻連夜宮中修  
別院地衣簾額一時新

悶來無處可思量旋下金階旋下牀收得山丹紅  
藥粉窗中先一作洗却麝香黃

蜂鬚蟬翅薄鬆鬆浮動搔頭似有風一度出時拋

一遍金條零落滿函中

合暗報來門鎖了夜深應別喚笙歌房房下着珠  
簾睡月過金堦白露多

御厨不食索時新每見花開卽苦春白日臥多嬌  
似病隔簾教喚女醫人

叢叢洗手遶金盆旋拭紅巾入殿門衆裏遙拋新  
摘子在前收得便承恩

御池水色春來好處處分流白玉渠密奏君王和  
入月喚人相伴洗裙裾

王建詩卷八  
移來女樂部頭邊新賜花檀大五絃  
縷得紅羅手帕子中心細画一雙蟬

新晴草色綠温暎山雪初消漸水渾  
今日踏青歸校晚傳聲留著望春門

兩樓相喚珠簾額中尉明朝設內家  
一樣金盤五千面紅蘇點出牡丹花

盡送春求出內家記巡傳把一枝花  
散時各自燒紅燭相逐行歸不上車

家常愛著舊衣裳空插紅梳不作粧  
忽地下階裙

帶解非時應得見君王

別勅教歌不出房一聲一遍奏君王  
再三博士留殘拍索句宜徽作徽章

行中第一爭先舞博士傍邊亦被欺  
忽覺管絃偷破拍急翻羅袖不教知

私縫黃帔捨釵梳欲得金仙觀內居  
近被君王知識字收來按上檢文書

月冷江清近臘時玉堦金瓦雪澌澌  
浴堂門外抄名入公主家人謝面脂



王建詩卷八  
未承恩澤一家愁乍到宮中憶外頭求守管絃聲  
欵逐側商調裏唱伊州

東風潑火雨新休  
昇盡春泥掃雪溝  
走馬犢車當御路  
漢陽宮主進鷄毬

風簾水閣壓芙蓉  
四面鈎欄在水中  
避熱不歸金殿宿  
秋河織女夜耕紅

聖人生日明朝是  
私地先須屬內監  
自寫金花紅榜子  
前頭先進鳳凰衫

避暑昭陽不擲盧  
井邊含水噴鷓鴣  
內中數日無呼喚  
榻得滕王蛺蝶圖

內宴初秋入二更  
殿前燈火一天明  
中官傳旨音聲散  
諸院門開觸處行

玉蟬金雀三層插  
翠髻高叢綠髮虛  
舞處春風吹落地  
歸來別賜一頭梳

樹葉初成鳥護窠  
石榴花裏笑聲多  
衆中遺却金釵子  
拾得從他要贖麼

小殿初成粉未乾  
貴妃姊妹自來看  
爲逢好日先移入  
續向街西索牡丹

內人相續報花開准擬君王便看來逢着五絃琴  
繡袋宜春院裏按歌迴

巡吹慢遍不相和暗數看誰曲校多明日梨花園  
裏見先須逐一作直得內家歌

黃金合裏盛紅雪重結香羅四出花一一傍邊書  
勅字中官送與大臣家

未明東上閣門開排仗聲從後殿來阿監兩邊相  
對立遙聞索馬一時迴

宮人早起笑相呼不識堦前掃地夫乞與金錢爭

山下二十首鈔本  
脫去

借問外頭還似此間無

不隨阿妹學吹笙見好君王賜與名夜拂玉牀朝  
把鏡黃金殿外不教行

日高殿裏有香烟萬歲聲長動九天妃子院中初  
降誕內人爭乞洗兒錢

宮花不共外花同正月長先一半紅供御櫻桃看  
守別直無鷓鴣到園中

殿前鋪設兩邊樓寒食宮人步打毬一半走爭來  
跪拜上棚先謝得頭籌

王建詩卷八  
太儀前日暖房來，囑向朝陽乞藥栽。  
勅賜一窠紅躑躅，謝恩未了奏花開。

御前新賜紫羅襦，步步金階上軟輿。  
官局總來爲喜樂，院中新拜內尚書。

鸚鵡誰教轉舌關，內人手裏養來姦。  
語多更覺承恩澤，數對君王憶隴山。

分朋閑坐賭櫻桃，收却投壺玉腕勞。  
各把沉香雙陸子，局中鬪累阿誰高。

禁寺紅樓內裏通，笙歌引駕夾城東。  
裹頭官監堂前立，手把弓弰竹彈牙。

春風院院落花堆，金鎖生衣製不開。  
更築歌臺起粧殿，明朝先進畫圖來。

舞來汗濕羅衣徹，樓上人扶下玉梯。  
歸到院中重洗面，金盆水裏潑銀泥。

宿粧殘粉未明天，總在昭陽花樹邊。  
寒食內人長白打，庫中先散與金錢。

衆中偏得君王笑，偷把金箱筆硯開。  
書破紅蠻隔子上，旋推當直美人來。

教遍宮娥唱遍詞暗中頭白没人知樓中日日歌  
聲好不問從初學阿誰

青樓小婦研裙長總被抄名入教坊春設殿前多  
隊舞棚頭各別請衣裳

水中芹葉土中花拾得還將避衆家總待別人般  
數盡袖中拈出鬱金牙

玉簫改調箏移柱催換紅羅繡舞筵未戴柘枝花  
帽子兩行宮監在簾前

窗窗戶戶院相當總有簾珠玳瑁牀雖道君王不

來宿帳中長是炷茅香

銀燭秋光冷画屏輕羅小扇撲飛螢天街夜色涼  
如水臥看牽牛織女星

雨入珠簾滿殿涼避風新出玉盆湯內人恐要秋  
衣着不住燠籠換好香

金吾除夜進儺名画袴朱衣四隊行院院銀燈如  
白日沉香火底坐吹笙

一作新音聲

樹頭樹底覓殘紅一片西飛一片東自是桃花貪  
結子錯教人恨五更風

金殿當頭紫閣重  
仙人掌上玉芙蓉  
太平天子朝  
元日五色雲中駕六龍

日晚長秋簾外報  
望陵歌舞在明朝  
添爐欲爇熏  
衣射憶得分時不忍燒

日映西陵松栢枝  
下臺相顧一相悲  
朝來樂府歌  
新曲唱着君王自作詞

泪盡羅巾夢不成  
夜深前殿按歌聲  
紅顏未老恩  
先斷斜倚熏籠坐到明

新鷹初放兔初肥  
白日君王在內稀  
薄暮千門臨  
欲鎖紅粧飛騎向前歸

黃金捍撥紫檀槽  
絃索初張調更高  
盡理昨來新  
上曲內官簾外送櫻桃

鴛鴦瓦上瞥然聲  
晝寢宮娥夢裏驚  
元是我王金  
彈子海棠花下打流鶯

寶仗平明金殿開  
暫將紈扇共徘徊  
玉顏不及寒  
鴉色猶帶昭陽日影來

閑吹玉殿昭華管  
醉折梨園縹蒂花  
千年一夢歸  
人世絳縷猶封繫臂紗

王建詩卷第八終

汲古閣毛晉  
據宋本考較

建字仲初潁州人大曆十年進士初爲渭南尉值內官王樞密名守澄者盡宗人之分然彼我不均復懷輕謗之色忽過飲語及漢桓靈信任中官起黨錮興廢之事樞密深恨其譏迺曰吾弟所作宮辭天下皆誦于口禁掖深邃何以知之建不能對將奏劾爲詩以贈之云先朝行坐鎮相隨今

上春宮見長時脫下御衣偏得著進來龍馬每教騎常承密旨還家少獨對邊情出殿遲不是當家頻向說九重爭遣外人知事遂寢歷官昭應丞太府寺丞太和中爲陝州司馬陳氏云長于樂府與張籍相上下尤長宮詞在本集第十卷錄出另行馬氏云宮詞天下傳播倣此體者雖有數家而建爲之祖計氏止載宮詞百絕及上李庶子王樞密兩篇王氏百家詩集不列姓

氏余舊刻三家宮詞惜未詳覈因錄苕溪  
漁隱叢話數則于八卷之尾以為補註隱

湖毛晉識

辛丑月借未幼平明寫本校讀一過補詩六首書於

眉端鈔本亦有脫佚小者注於篇尾并記

